

Ndombe za Amelika, Bayuda, Batutsi, ye dionso kanda dia bantu diena mu kinkole, diena ku nsia mandangi.

Mu nzila yayi, va ntadisi a mpasi za Kanda dieto dia Kongo, Ne Muanda Nsemi watelamene ye sadila bonso buavanga dio David Ben Gurion, Mvungi Martin Luther King, Malcom X, Paul Kagame, Museveni, ye bonso bobo.

5. Batutsi bena kiese beni mu ksalu kisalanga mpangi'awu Paul Kagame, ye Museveni.

Ndombe za Amelika zena kiese beni mu Mvungi Martin Luther King, mu Malcom X, ye Makesa mamomo mankaka.

Bayuda basanisnanga mu ngolo beni ksalu kiambote kiasala David Ben Gurion.

6. Bakongo barkedika bena kiese mu Ne Muanda Nsemi. Idina, nani wena, ngeye Nkongo wowo wakiadi, wubelanga Ne Muanda Nsemi ?

Mvutu :

Vo kuena Mbua Ntantu ko, buna Kizoba kua wena ! Kadi i Zoba kaka fueite lembana mu mona Ksalu kiamfunu kieti sala Ne Muanda Nsemi mu Kanda dia Kongo.

7. Mpasi za Bakongo zena zakedika mu Nsi yayi. Mandangi mingi beti kutuvangila. Idina, beto Bakongo tuena ye luve mu telama, mu vova, mu bangisa mandangi, ye nuanina mambote ma Kanda dieto.

Mu mvita yayi ya mpulusu a Kanda dia Kongo, nani mu mbandu yayi wamonekene bonso Kesa diakedikika dikondolo wonga ?, bonso Ntuadisi Wanene wa Bakongo mu mvita yayi ?

Mvutu :

Mu kintuadi, Bakongo, Bangala, Baluba, ye Basuahili, bawu vo: Ne Muanda Nsemi !

8. Nsapa (= le journal) ya Interprète ya 29-5-2009, yawu vo :

«... Muene Morgan Werbenger, wa Delaware Chronicle, yandi vo : Bazietese ku Kimvuka kia minsapanisi mia ONU ku New York, mabanza ma Bankamala ba Amelika (= les Démocrates Américains) beti tadila Ne Muanda Nsemi bonso Ntanini Wanene wa Kanda dia Kongo ku RDC buabu, ye bonso Ntuadisi Wangudi wakimayala mu Kilansi kia Bakongo; mu diambu dia kibakala kiandi, mu diambu dia ngangu zandi zazingi, ye nduenga zandi zampinda, mu nzengolo zandi mu minsamu miamio mitadidi mambote ma Mpangi zandi za Kongo Diakati...».

Isavo, mu mbueno ya Bankamala ba Amelika (kabu dimayala dia Mfumu Obama), Ne Muanda Nsemi wena muntu wakibakala, wangangu beni, vuidi nduenga zazingi, zi kasadilanga mu nuanina mambote ma Kanda diandi dia Kongo.

9. Mboki ngeye, wubelanga Ne Muanda Nsemi, nki weka nevanga mu zingu kiaku mu tanina Bakongo, mu mambi mamomo ma beti vanguluanga mu Nsi yayi'e ?

Mvutu :

Ka lekua kimosi nkutu ko ! Kadi ngeye ksalu kiaku i mu sakanana ye nuanisa Ndiona weti sala mu nuanina mambote ma Bakongo !

10. Nsapa ya Interprète yeti tatamana ye vova dio vo :

«... Ku Kinsasa kia mazayu mamayala ku University of Wagenengen ku Hollande (Pays-Bas), batadilanga Ne Muanda Nsemi bonso Nduenga Yanene ya kimayala ye kimpeve ya Nkangu Kongo, landila Mbikudi Kimbangu; mu lendo kiandi mu namika tiya tua vema mu mintima mia ndonga bantu, ye kubanata mu telama, ye nuanisa mambote mawu...».

Bu dienina bonso bobo, bilanki ngeye wena Nkongo, fueite bedila ye nuanisanga Ne Muanda Nsemi. Nani wena ngeye ?